



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

RESOLUCIÓN DA ALCALDÍA.-

Asunto: Modificación 1 PES 2024-2026; para ser adaptado ao Orzamento 2026

Expediente: 2025/A013/000001

Esteban Ares García, Alcalde do Concello de Lousame, órgano competente para a adopción deste acordo, adopta o mesmo en base aos seguintes

Antecedentes Administrativos:

- Plan Estratéxico de Subvencións 2024.2026, aprobado polo Pleno Corporativo o día 05.04.2024 (BOP 71 do 11.04.2024).
- Acordo de aprobación inicial do Orzamento para o 2026, adoptado na sesión plenaria do día 26/12/2025.
- Providencia da Alcaldía indicando que o Orzamento para o 2026 contempla unha serie de cambios en relación ao PES 2024.2026 e solicita informe sobre o procedemento para adaptar o PES actual ao Orzamento.
- Informe da Intervención 2/2026, do 13/01/2026.

Fundamentación Xurídica:

Primeiro: O artigo 8.1 da lei 38/2003, do 17 de novembro, Xeral de Subvencións, en aras a mellorar a eficacia do outorgamento de subvencións, establece a necesidade de elaborar un Plan Estratéxico de Subvencións, que estableza unha conexión entre os obxectivos e efectos que se pretenden obter, cos custos previsibles e as súas fontes de financiamento, co obxectivo de axeitar as necesidades públicas a cubrir a través do outorgamento das subvencións, coas previsións de recursos dispoñibles, con carácter previo ao seu nacemento.

Segundo: En base a isto, o Pleno Corporativo, na sesión Plenaria Ordinaria do día 05/04/2024, aprobou o Plan Estratéxico de Subvencións do Concello de Lousame para o período 2024-2026. O Plan Estratéxico de Subvencións foi publicado no BOP núm. 71 do 11/04/2024.

Terceiro: No Orzamento 2026 (aprobado inicialmente na sesión plenaria do día 26/12/2025, actualmente en período de información pública) introdúcense unha serie de cambios en comparación coa información contida no PES 2024-2026. En concreto:

BEO 2026			PES 2024-2026		
No Capítulo 4 do Orzamento de Gastos contéplase unha nova liña de subvencións, en concreto: Axudas á natalidade (6.000 €)			Non se contempla		
Nas Bases de Execución e no capítulo 4 contéplanse as seguintes subvencións nominativas:			No PES 2024-2026 contéplanse as seguintes subvencións nominativas:		
Aplicación Orzamentaria	Beneficiario.	Importe/€	Aplicación Orzamentaria	Beneficiario.	Importe/€
135.480.00	Agrupación Municipal de Voluntarios de Protección Civil de Lousame	6.000,00	135.480.00	Agrupación Municipal de Voluntarios de Protección Civil de Lousame	6.000,00
231.480.00	Cáritas Parroquial de Noia	1.500,00	231.480.00	Cáritas Parroquial de Noia	1.500,00
231.480.00	A Misela	2.000,00	231.480.00	A Misela	2.000,00
231.480.00	A Creba	1.500,00	231.480.00	A Creba	1.500,00
334.480.00	O Son do Pote	1.500,00	334.480.00	O Son do Pote	1.500,00
334.480.00	Asociación Sociocultural Prudencio Romo	10.000,00	334.480.00	Asociación Sociocultural Prudencio Romo	15.000,00
337.480.00	ANPA Alecrín	2.000,00	337.480.00	ANPA Alecrín	1.500,00
337.480.00	Clube de Xubilados	4.000,00	337.480.00	Clube de Xubilados	3.000,00
341.480.00	CF Lousame	2.000,00	341.480.00	CF Lousame	1.500,00
341.480.00	Lesende CF	2.000,00	341.480.00	Lesende CF	1.500,00
			341.480.00	Asociación Deportiva	1.000,00



Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

341.480,00	Asociación Deportiva Taekwondo Lousame	1.000,00			
341.480,00	Club BTT O Treito	1.000,00			
Nas Bases de Execución do Orzamento (31.5), no tocante ás axudas ás Comisións de Festas, indícase:			No PES 2024-2026 contémpanse:		
Tramitaranse polo procedemento de concorrência competitiva, a subvencións para festexos populares (3.600,00 €), previa aprobación da convocatoria e bases que rexan a súa concesión.			Réxime de concesión directa pola súa dificultade na convocatoria pública: Aprobado o Orzamento Municipal, os interesados presentarán as súas solicitudes, coa documentación que en cada caso se sinala. O importe que se concederá será o de 150,00 € por cada día de festa con orquestra; e até esgotar o crédito total previsto no Orzamento.		

Cuarto: O PES 2024-2026 regula a súa modificación do seguinte xeito:

ARTIGO 5. ÁMBITO TEMPORAL. VIXENCIA. ACTUALIZACIÓN.

O PES terá unha vixencia de tres anualidades, e abranguerá o período 2024-2026; sen prexuízo de que algunhas das liñas de subvención puidesen ter unha vixencia inferior ou se vaian incorporando novas liñas.

Ademais, anualmente á vista dos informes de seguimento e tendo en conta as dispoñibilidades orzamentarias, poderán modificarse, substituírse ou eliminarse as diferentes liñas de subvencións.

Dentro de cada una das liñas poderá actualizarse ou modificarse calquera aspecto do seu contido; ben polos resultados dos informes de seguimento en canto á consecución de obxectivos ou á adecuación dos recursos investidos; ben por outros motivos, debidamente xustificadas.

Por outro lado, cando queira modificarse algunha das liñas de subvencións previstas no PES ou introducir algunha nova debe, con carácter previo ou simultáneo, modificarse o PES.

En cambio, non será necesaria a modificación do PES nos supostos que se modifiquen liñas de subvención existentes, cando unicamente a variación se realice no importe asignado, sempre e cando o resto dos compoñentes da mesma permanezan sen cambios, o que deberá acreditarse no expediente polo órgano xestor correspondente.

No suposto de que concluído o período de vixencia, non se houbera aprobado un novo PES, o presente entenderase prorrogado naquelas liñas de actuación que resulten de continuidade e contén con asignación orzamentaria adecuada e suficiente

Á vista do sinalado polo artigo 5 do PES, este debe ser modificado para:

- A introdución da nova liña de axudas á natalidade.
- Contemplar o cambio no réxime de concesión das axudas para festexos populares, que muda do actual sistema de concesión directa ao de concorrência competitiva.

A variación no importe asignado ás subvencións nominativas non precisa da modificación do PES, tal e como sinala o propio artigo 5 do mesmo.

Quinto: O PES 2024-2026 regula a súa aprobación do seguinte xeito:

ARTIGO 6. APROBACIÓN

O órgano competente para a aprobación do PES non está establecido na normativa; pero tendo en conta que as Bases de Execución do Orzamento son competencia do Pleno e que a previsión de aplicación é plurianual, por aplicación do artigo 22.2.e) sométese a aprobación do Pleno Corporativo, ao tratarse dun instrumento de planificación das actividades de subvencións e xestión económica.

As modificacións puntuais que sexa preciso acometer nos seus tres anos de vixencia, serán competencia da Alcaldía; que deberá dar conta ao Pleno Corporativo. Unha vez aprobado será publicado no Taboleiro da Sede Electrónica, así como no BOP, para o seu xeral coñecemento.



Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

En base aos antecedentes e fundamentos expostos, esta Alcaldía

RESOLVE:

Primeiro: Aprobar a modificación núm. 1 do Plan Estratéxico de Subvencións (PES) do Concello de Lousame, para o período 2024-2026, do seguinte xeito:

MODIFICACIÓN LIÑA ESTRATÉXICA 1

LS 1.2 Apoio de actividades e programas que promoven a autonomía das persoas e a súa inclusión social:

Área	Servizos Sociais
Sectores aos que se dirixen as axudas	Entidades sen ánimo de lucro que directa ou indirectamente desenvolvan accións ou programas dirixidos a persoas en risco ou situación de dependencia Familias con fillos/as menores
Obxectivos	– Promover a colaboración con ditas entidades – Promoción da autonomía persoal e atención de persoas en risco de exclusión social, favorecendo a permanencia no seu entorno habitual – Favorecer a natalidade mediante a concesión de prestacións económicas dirixidas a familias con fillos/as menores
Efectos que se pretenden conseguir	Contribuír á mellora da calidade de vida daquelas persoas en situación de risco de dependencia, facilitando a súa socialización no seu entorno habitual Favorecer o asentamento poboacional de familias con fillos/as menores.
Prazo necesario para a súa concesión	Indeterminado
Custos previsibles e financiamento	Orzamento 2024/2025/2026: Aplicación 231.48000. Subvencións nominativas: – Cáritas Parroquial: 1.500,00 € – A Misela: 2.000,00 € – A Creba: 1.500,00 € Orzamento 2026: Aplicación 231.48000. Axudas á natalidade (6.000,00 €) Subvencións en concorrencia.
Plan de Acción	Réxime de subvencións nominativas. Aprobado o Orzamento Municipal e adoptada a resolución polo órgano competente (Alcaldía) será elaborado un Convenio no que se fixen as condicións de realización e os requisitos a cumprir pola entidade beneficiaria, para o abono da axuda prevista. Aprobado e asinado por ambas partes, procederase ao abono na forma fixada no convenio. Unha vez executado o programa, xustificárase a subvención na forma prevista. Réxime de subvencións en concorrencia. Aprobado o Orzamento Municipal, serán tramitadas en réxime de concorrencia, previa aprobación da convocatoria e bases que rexan a súa concesión.
Seguimento e avaliación	– % de beneficiarios por axuda – % de beneficiarios que melloraron a súa situación persoal con respecto ao ano anterior.
Resultados da avaliación	No prazo de 1 mes dende o remate da anualidade. Darase conta ao Pleno Corporativo.

MODIFICACIÓN LIÑA ESTRATÉXICA 4

LS 4.2 Subvencións dirixidas ás entidades do Concello de Lousame que organicen festas patronais ou parroquiais:

Área	Cultura
Sectores aos que se dirixen as axudas	Organizadores de festas patronais parroquiais
Obxectivos	– Organizar actividades relativas á festividade patronal ou parroquial – Fomentar a colaboración cidadá coa posta en marcha de proxectos de interese parroquial – Conservar as tradicións culturais a través dos festexos populares e memoria colectiva – Creación de eventos para a convivencia lúdica e cultural
Efectos que se pretenden conseguir	Desenvolvemento de festexos populares



Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

<i>Prazo necesario para a súa concesión</i>	Indeterminado
<i>Custos previsibles e financiamento</i>	Orzamento 2024/2025/2026: Aplicación 338.48000: 3.600,00 €
<i>Plan de Acción</i>	Réxime de subvencións en concorrencia. Aprobado o Orzamento Municipal, serán tramitadas en réxime de concorrencia, previa aprobación da convocatoria e bases que rexan a súa concesión.
<i>Seguimento e avaliación</i>	– Número de entidades beneficiarias – Número de participantes por cada evento
<i>Resultados da avaliación</i>	No prazo de 1 mes dende o remate da anualidade. Darase conta ao Pleno Corporativo.

Segundo: A aprobación da modificación núm. 1 do Plan Estratéxico de Subvencións (PES) do Concello de Lousame, para o período 2024-2026, queda condicionada á entrada en vigor do Orzamento do Concello de Lousame, para o exercicio 2026.

Terceiro: Proceder á súa publicación no BOP e no Taboleiro de Edictos da sede electrónica do Concello de Lousame, para o seu xeral coñecemento.

Cuarto: Dar conta da presente modificación ao Pleno Corporativo, na vindeira sesión ordinaria que teña lugar.

Asinado en Lousame, por medios electrónicos, polo Alcalde, Esteban Ares García; do que eu, Paula Ares Otero, como secretaria e para os únicos efectos de fe pública, dou fe (R.D.128/2018, do 16 de marzo).



Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).